


Revizaun Proposta OJE 2020

Saida mak Governu nia Prioridade?



Konferénsia da Imprensa

13 Janeiro 2020


La'o Hamutuk apresia Governu nia esforsu atu hamenus montante Orsamentu Jerál Estadu 2020.

Maski nune'e, ami nafatin preokupa katak montante orsamentu biliaun \$1.7 ne'e sai ameasa nafatin ba sustentabilidade finansas.

Total reseita orsamentu husi FP bele to'o 87%.

Tuir loloos governu tenke utiliza fundu ne'e ho kuidadu ho dalan ne'ebé sustentável


Reseita iha proposta segundu OJE ba 2020 tokon \$1,668 total



Grafika husi La'o Hamutuk bazeia proposta OJE 2020. Dezembru 2019

Iha revizaun ne'e Governu hamenus programa no liña orsamentál balu husi ezbosu proposta primeiru ne'ebé kontinua la tuir povu nia nesidade urjente sira, maibé la ko'a liña balun ne'ebé prezisa avaliaun kle'an.




Kategoria sira iha OJE ba tinan 2020
OJE tomak = token \$1,668



Alokasaun ba Projetu Bo'ot Kuaze Hanesan ho Proposta OJE Uluk.

Programa	Alokasaun Ezbosu OJE 2020, Outubru 2019	Alokasaun Ezbosu OJE 2020 Dezembru 2019	Mudansa
Alokasaun ba Tasi Mane liu husi Fundu Infrastrutura	\$16,451,000	\$16,451,000	La iha mudansa →
Transferénsia ba TimorGap	\$74,900,000	\$74,900,000	La iha mudansa →
Expo Dubai	\$2,119,000	\$2,119,000	La iha mudansa →

Alokasaun ba Setór Báziku Mak Tuun.

Programa	Alokasaun Ezbosu OJE 2020, Outubru 2019	Alokasaun Ezbosu OJE 2020 Dezembru 2019	Mudansa
Sistema saneamentu iha Dili no Munisipiu 7	\$1,500,000	\$300,000	 80%
Diresaun Nasionál ba Saneamentu Báziku	\$1,384,000	\$114,000	 92%
Aumenta produsaun no produtividade ho sustentável	\$10,026,335	\$7,984,727	 20%

Transparensia Orsamental sei problema hela

- Alokasaun ba Kapital Dezenvolvimentu ba RAEOA, husi zero iha Outubru maibé iha proposta revizaun aumenta ba besik tokon \$100.
- Infelizmente Livru 3C laiha esplikaun kona ba oinsá sira sei uza osan boot ne'e.
- La'ó Hamutuk apresia katak Governu hamenus duni alokasaun ba Fundu Kontrapartidas kompara ho proposta OJE 2020 anterior, ami nota katak laiha esplikaun detallu kona ba objetivu husi alokasaun ida ne'e, aloka ba saida no hodi halo saida.

Planeamentu orsamentál ne'ebé sustentável, matenek, no transparente tenke fornese informasaun detallu sira ba kada projetu.

Governu planu nafatin asina kontratu empréstimu foun

- Orsamentu Jerál Estadu ba tinan 2020 fó dalan ba autoridade Governu hodi asina kontratu sira ba empréstimu foun ho montante tokon \$750 iha 2020 - **la iha mudansa husi ezbosu OJE uluk.**
- Tuir La'ó Hamutuk se bainhira ita adisiona tan tokon \$750 iha futuru ho termu hanesan ba deve sira agora ne'ebé iha ona, TL maizumenus sei selu fali ba kada tinan tokon \$78 hafoin periodu grasa remata.
- Ho diferensa katak ita sei selu fali boot liu dala tolu kompara ho alokasaun ba Ministériu Agrikultura iha 2020.

Pergunta xave sira kona ba Imprestimus

- Projetu saida mak sei uza fundu husi empréstimu, no tipu projetu saida mak Governu sira sei halo no foti iha futuru?
- Servisu báziku no programa saida de'it mak ita presiza hamenus hodi selu fila fali empréstimu sira hafoin rezerva petrolíferu mamuk ona.
- Saida mak sei akontese bainhira Timor-Leste labele atu selu fila fali deve sira ne'e?

Ambiente

- Ameasa ba meu-ambiente aumenta, maibé alokasaun ba SEA la nato'on.
- Kompara ho OJE 2019 iha aumentu 39% ba proposta orsamentu 2020 nian ne'ebé governu apresenta iha fulan Outubru 2019 (\$2.2 millaun).
- Infelizmente iha revizaun proposta OJE 2020 nian, Governu redús 15.2% husi número orsamentu.

Redusaun ba montante atuál ne'e sei implika ba dezvoltimentu futuru instalasaun laboratóriu ambiental no programa importante sira seluk ne'ebé SEA dezeña ona.

Agrikultura

- Iha proposta OJE 2020 ne'ebé apresenta iha fulan Outubru 2019, setór agrikultura hetan alokasaun tokon \$29.8, boot liu 9% kompara ho alokasaun OJE iha 2019 nian.
- 2019: setór agrikultura hetan alokasaun tokon \$27.4 maibé ba tinan 2020 proposta foun ne'e redús orsamentu ba tokon \$25.4 ka redusaun 7%.
- Programa atu 'aumenta produsaun no produtividade ho sustentável' redús husi tokon \$10 ba tokon \$8.
- Osan atu fó subsidiu ba transporte produktu agrikultór sira nian ba merkadu ne'ebé ko'a besik tokon \$0.9.

Polítika orsamentu ida ne'e kontradís ho governu nia narrativu sira katak agrikultura ho turizmu mak setór prioridade iha governu nia programa sira.

Edukasaun

- Proposta dahuluk OJE 2020, Diresaun Nasionál ba Infrastrutura Edukasaun aloka tokon \$29 ba infrastrutura eskola, maibé ezbosu OJE atuál redús tiha orsamentu ne'e ba tokon \$8.
- Alokasaun ba formasaun Dosente sira no Professional Edukasaun sira ne'e mós hetan redusaun husi proposta tuan husi tokon \$2.3 redús ba tokon \$1.8.

Alokasaun ne'e ki'ik liu kompara ho alokasaun 2019 tokon \$2.1

Bee moos no saneamentu

- Iha proposta foun governu hamenus orsamentu iha Diresaun Nasionál ba Saneamentu Báziku husi tokon \$1.384 ba tokon \$0.114 (ko'a 92%).
- Orsamentu iha Planeamentu, dezenvolvimentu, operasaun no manutensaun ba sistema saneamentu iha Dili no Munisípiu 7 hamutuk tokon \$1.5 ba tokon \$0.3 (ko'a 82%).

Governu Konstituisional VIII deklara ona ninia prioridade atu haforsa liu tan sistema saúde, edukasaun no asegura povu Timoroan asesu ba bee moos. Maibé alokasaun orsamentu 2020 ba setór hirak ne'e, la refleta governu nia promesa sira.

Rekomendasaun

- **Parlamentu Nasionál presiza uza nia podér Konstituisional atu tetu no deside montante OJE ne'ebé sustentável liu, liu husi hamenus mákina Estadu nian no alokasaun sira ne'ebé la responde ba povu nia nesesidade.**
- **Husu ba Membru Parlamentu atu husu Governu hodi justifika tanba sá la hamenus osan ba projetu Tasi Mane no la hasai Expo Dubai, maibé halo redusaun ba setór báziku no setór produtivu sira hanesan saneamentu no bee moos, edukasaun no mós agrikultura.**

Rekomendasaun (2)

- **Duke ko'a osan setór báziku no setór produtivu sira, di'ak liu suspende despeza ba projetu Tasi Mane no avanza ba estudu independente ida ne'ebé bele halo estudu avaliasaun ba kustu tomak, risku, benefísiu husi projetu ne'e rasik, no hasai alokasaun ba Expo Dubai.**
- **Husu ba membru Parlamentu Nasionál atu la aprova envelope tokon \$750 ba akordu empréstimu foun iha 2020, se bainhira Governu la fó esplikasaun detallu kona ba empréstimu sira ne'e ba saida, hodi halo saida no oinsá ho atu selu fila fali.**
- **Husu ba Membru Parlamentu Nasionál atu husu ba Governu atu fó detallu kle'an liu kona-ba alokasaun sira ne'ebé la iha esplikasaun ka transparénsia, inklui alokasaun ba Fundu Kontrapartidas no RAEOA.**